

DAGSORDEN SAA- Sanarfinermut Avatangiisinullu Ataatsimiititaq d. 03-09-2018

Mødedato Mandag d. 03. september 2018 kl. 18:00

Mødested Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Ilisimatitsissutit.....	6
Aalajangiiffigisassat.....	7
Suliat Aningaasaqarnermut Inuussutissarsiornermullu Ataatsimiititamut aammalu Kommunalbestyr	8
Nuuk Centerip allineqarnissaa pillugu pilersaarusiornissamut qinnuteqaat.....	9
Taasariaqartut allat.....	15
Suliat matoqqasut.....	16
Imaqarniliap akuerineqarnera.....	17

Punkt 0: Saqqaa

Ilaasortat
Justus Hansen (D), siulittaasoq.
Harald Bianco (IA)
Charlotte
Piké (IA)
Mala Høy-Kúko (S)
Laura Taunâjik (S)

Punkt 1: Oqaluuserisassat akuersissutigineqarneri

Punkt 2: Nalunaarutit

<p>2a. Siulittaasup nalunaarutai</p> <p>2b. Ingerlatsiviup nalunaarutai</p>

Punkt 3: Ilisimatitsissutit

<p>Soqanngilaq.</p>

Punkt 4: Aalajangiiffigisassat

<p>Soqanngilaq.</p>

**Punkt 5: Suliat Aningaasaqarnermut Inuussutissarsiornermullu
Ataatsimiititamut aammalu Kommunalbestyrelsimut ingerlateqqitassat**

Punkt 05A: Nuuk Centerip allineqarnissaa pillugu pilersaarusiornissamut qinnuteqaat

Bilag

Bilag 1_KAL.pdf

Bilag 2_KAL.pdf

Bilag 3_KAL.pdf

Bilag 4_KAL.pdf

Nuuk Centerip allineqarnissaa pillugu pilersaarusiornissamut qinnuteqaat

Aalajangiiffissaq pillugu

J. nr.: 16.03-P20-2-18

Sanarfinermut Avatangiisinullu Ingerlatsivik – Pisortaq, Hans Henrik Winther Johannsen / HHWJ

Suliassamik eqikkaaneq

Nuuk Centerip allineqangaatsiarnissaanut nunaminertamik inniminniineq pillugu pilersaarusiornissamut qinnuteqaat Sanarfinermut Avatangiisinullu Ingerlatsivimmit tiguneqarpoq. NC-p kangiata tungaani biilnut uninngasarfiliornissaaq taavalu ullumikkut Blok 1-ip toqqaviani nunaminertaq alliliinermi pineqarput.

Inuussutissarsiorneq, aalajangersimasunik nioqquteqarneq, neriniartarfeqarneq/cafe aamma minnerunngitsumik inissiat 66-it nutaat pilersaarusiornermi pineqarput. Tamatuma saniatigut pilersaarummi kikkulluunniit aneerfigisinnaasaat nuna portunerulersinneqartoq kiisalu biilnut uninngasarfik qulisaq.

Allilerneqartussatut siunnersuutigineqartoq immikkoortunut pingasunut portussutsikkut atuuffitsigullu agguagaavoq. Pukkinnermiittoq centerimut atassaaq inuussutissarsiuteqarnermullu atugassanik marlunnik qulereeqassalluni.

Akullermiittoq utoqqarnut naleqqussakkanik inissiaqassaaq portunermiittoq nalinginnaasunik inissiaqassalluni.

Pilersaarutaasoq naapertorlugu kujataata tungaani biilnut uninngasarfittut matuneqassaaq, taamaalilluni Kommunip Allaffeqarfiata/blok 1-10 taavalu Nuuk Centerip akorna pisuinnarnut isumannaannerusumik ingerlaffiusinnaalerluni. Nioqqutissanik assartuineq kiisalu nunap iluanut qulisamullu biilit uninngasarfianukarneq H. J. Rinksvej aqputigalugu majorallaffiit marluk immikkoortukkut pissaaq, taamaalilluni sumiiffik nalinginnaasumik angallaffigissallugu isumannaannerulluni.

Inassuteqaat

Sanarfinermut Avatangiisinullu Ingerlatsivimmit uku Sanarfinermut Avatangiisinullu

Ataatsimiititamut inassuteqaatigineqarput:

- pilersaarut suliamullu tunngatillugu ingerlariaqqinnissaaq akuerineqassasut
- pilersaarutip suliallu akuersissutigineqartup sapaatit akunnerini arfineq-pingasuni tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititamut kingornalu Kommunalbestyrelsimut akuersissutigisassanngorlugu ingerlateqqinneqassasoq.

Suliassamik saqqummiussineq

Nuuk Centerip allineqangaatsiarnissaanut nunaminertamik inniminniineq pillugu

pilersaarusiornissamut qinnuteqaat Sanarfinermut Avatangiisinullu Ingerlatsivimmit tiguneqarpoq.

Inuussutissarsiorneq, aalajangersimasunik nioqquteqarneq, neriniartarfeqarneq/cafe aamma

minnerunngitsumik inissiat nutaat pilersaarusiornermi pineqarput. Tamatuma saniatigut pilersaarummi kikkulluunniit aneerfigisinnaasaat nuna portunerulersinneqartoq kiisalu biilnut uninngasarfik qulisaq.

Allilerneqartussatut siunnersuutigineqartoq immikkoortunut pingasunut portussutsikkut atuuffitsigullu agguagaavoq. Pukkinnermiittoq centerimut atassaaq inuussutissarsiuteqarnermullu atugassanik marlunnik qulereeqassalluni.

Akullermiittoq utoqqarnut naleqqussakkanik inissiaqassaaq portunermiittoq nalinginnaasunik inissiaqassalluni.

Inissiat

Pilersaarut naapertorlugu inissiat katillugit 66-iussapput taakkunanngalu utoqqarnut inissiat 20-ussapput marlunnik pingasunillu sinittarfillik, kiisalu ataatsimik sinittarfilinniit sisamanut sinittarfillit 46-t inissiat nalinginnaasut. Inissiat tamarmik immikkut kangianut imaluunniit kitaanut sammisunik aneerasaartarfeeraqassapput, kiisalu niv 2-mi illup qalianut naatsiivimmu aniffissaqarlutik.

Inuussutissarsiut

Pilersaarut naapertorlugu 1.895 m² allaffeqarnermut/ inuussutissarsiornermut atugassanngortinneqassaaq, tassanilu neriniartarfik/ cafe kujammut sammisumut illup qaavani aneerasaartarfimmi nerisassanik sassaallerfik ilaatinneqarput. Centerip allilerneqarnera 3.000 m²-iussaaq.

Pilersaarutaasoq naapertorlugu kujataata tungaani biilnut uninngasarfittut matuneqassaaq, taamaalilluni Kommuni Allaffeqarfiata/blok 1-10 taavalu Nuuk Centerip akorna pisuinnarnut isumannaannerusumik ingerlaffiusinnaalerluni. Nioqqutissanik assartuineq kiisalu nunap iluanut qulisamullu biilit uninngasarfianukarneq H. J. Rinksvej aqqutigalugu majorallaffiit marluk immikkoortukkut pissaaq, taamaalilluni sumiiffik nalinginnaasumik angallaffigissallugu isumannaannerulluni.

Sumiiffiit ilaanut inniminniinermik qinnuteqartoqarpoq, Pilersaarusiornermut Inatsit nutaaq naapertorlugu, Inatsisartut inatsisaat nr. 34, 9. december 2015-imeersoq. Ilanngussaq 2 takuuk.

Pilersaarusiornermut Inatsisip allanngortinnerata nutaap ingerlanera ima nassuiarneqarsinnaavoq:

1. Aningaasaliisussap pilersaarutini Kommunalbestyrelsimut nassiuissavaa, piunasaqaataavorlu aningaasaliisussap nammineerluni pilersaarummut tunngavilersuinissaa aammalu avatangiisinut tunngatillugu naliliinerit, assersuutigalugu VVM-it nammineq isumagalugit.
2. Kommunalbestyrelsimut pilersaarut akuerissavaa, minnerpaamillu sapaatit akunnerini arfinilinni tusarniaassutigissallugu, tassunga ilanngunneqassapput Kommunalbestyrelsimut qinnuteqarnissamut piunasaqaatai, taakkulu arlaanulluunniit attuumassuteqassanatik.
3. Tusarniaanermi innuttaasut tusarniaassumut akissuteqarsinnaapput, akerliliissuteqarsinnaapput imaluunniit allanik pilersaarutaasinnaasunik tunniussaqsinnaallutik.
4. Qinnuteqaatit tunuliaqutigalugit Kommunalbestyrelse arlaanulluunniit attuumassuteqanngitsumik pilersaarummik pitsaanerpaamik toqqaassaaq.
5. Tamatuma kingorna aningaasaliisussaq ukiuni marlunni sivilissuseqarsinnaasumik nunaminertamik inniminniinissaminik periarfissaqalissaaq kommunimullu pilersaarummut tapiliussap suliarineqarnera aallartissaaq.

6. Pilersaarutip annertussusaa tunngavigalugu avatangiisinut naliiisoqassappat, assersuutigalugu VVM-imik naliiisoqartariaqarpat, pilersaarummik piginnittup nammineerluni suliarissavaa aningaasaliiffigalugulu.

Pilersaarusiornermut inatsisip allanngornerata kingorna, nutaaq naapertorlugu, Pilersaarutit kommunimut pilersaarummut imaluunniit politikikkut takorluukkanut naapertuutinnippata Kommunalbestyrelsimit qaqugukkulluunniit unitsinneqarsinnaasut eqqaamaneqassaaq.

Kalaallit Nunaanni inuussutissarsiornep Naalackersuisunit Kommuniniillu siuarsarneqarusunera Pilersaarusiornermut Inatsimmik allannguinermi siunertarineqarpoq, taamaaliornikkut aningaasaliisussanut aningaasaliinissaq ajornannginnerulissamat orniginarnerullunilu.

Aaqqiissutissatut siunnersuut – suliatigut naliiineq

Pilersaarummi pineqartup eqqaani illuliortaaseq pingaartinneqassaaq minnerunngitsumillu illorsuup pioreersup, tassa Nuuk Centerimut taavalu Namminersorlutik Oqartussat allaffeqarfissuanut ilassutaasoq naleqquttuussasoq. Inissiaqarfissuaq qulingiluanik quleriilik illorsuup portusoortaata pioreersup akiani diagonalimik inissisimasoq pilersinneqassaaq, taamaalilluni sanaartugarsuit ataatsimut siunnersuutigineqarnera oqimaaqatigiilersillugulusooq ilissavaa.

Nuummi illut portusuut pillugit periusissiaqarpoq, tassa Imaneq naallugu portusuunik illoqarsinnaalluni. Pilersaarut NC-mi illorsuup portusoortaanut attuumassuteqarmat, pilersaarut periusissiamut naleqquttuusoq ingerlatsivimmit nalilerneqarpoq.

Pilersaarummi atortussanik toqqaaneq, illup silataanut atugassat kiisalu inissiat siunnersuutigineqartut pitsaassusaat eqqarsaatigilluagaapput. Taamaattoqarneratigullu sumiiffimmi angallannikkut ajornartorsiutaasinnaasoq angallattunut tamanut isumannartuusinnaasumut iluarsiissutaassalluni.

Illoqarfimmi aneerfissaq pitsaasumut pilersaaruteqarnikkut, ilaatigut illoqarfimmi aneerfissaq allaanerusoq atorlugu, ilusilersuinermi silaannaap assersorneqarnera sumiiffiullu nunataata suliarineqarnera ilaatinneqarlutik. Taamaattoq illup kujataata tungaani nunaminertaq pilersaarut malillugu amigaateqarpoq Illup / pilersaarutaasup illoqarfimmut tulluarsagaanissaanik piomasaaqateqartoqassasoq ingerlatsivimmit kommunalbestyrelsimut innersuussutigineqarpoq. Takuuk ilanngussaq 5, kiisalu H. J. Rinksvejip tungaanut pisuinnaat aqquaat isumannaannerulissaaq.

Sanarfinermut Avatangiisinullu Ingerlatsiviup naliiinera naapertorlugu pilersaarut Illoqarfiit pingaarnersaat pillugu periusissiarlu ataqaatigiilluartut, pissutigalugu Nuummi sorpassuartigut ineriartortitsisussamik inissialiortoqassamat, inuussutissarsiuteqalissamat sumiiffiillu sukisaarsarfiit pigineqalissallutik.

Nunaminertamik inniminniinissamat piomasaaqataavoq, qulaani 1-6-imut suliap allaaserineqarnerata taaneqartut saniatigut, Blok 1-ip isateneqarnissaanut, nunaminertap iluarseqqinnissaanut sukumiisumik pilersaarummik saqqummiisoqassaaq taavalu sanaartornermut suliffeqarfimmik piginnittulimmik pilersitsisoqarsimassalluni.

Aningaasaqarnikkut sulisoqarnikkullu naliiinerit

Soqutiginnittumit pilersaarummut aningaasartuutit tamarmik akilerneqartussaammata Kommuneqarfik Sermersuumut aningaasartuutaassanngilaq.

Inatsisitigut tunngavissaq allakkallu tunngaviusumik uppernarsaatitalit

Pilersaarusiorneq aamma nunaminertat atorineqartarneri pillugit Inatsisartut inatsisaat nr. 17, 17.

november 2010-imeersoq aamma

Inatsisartut inatsisaat nr. 34, 9. decembari 2015-imeersoq

Ingerlariaqqinnissaq

"Nuuk Centerip eqqaata allineqarnissaanut" suliap ingerlariaqqinnissaa imaappoq:

1. Suliniut politikikkut akuerineqarpat, soqutiginnittup pilersaarutip tusarniaassutigineqannginnerani uku pissarsiareqqaassavai:
 - Pilersaarutip piviusunngortinneqarnissaaneranut naliliinermik uppernarsaat aningaasaateqarfimmeersoq
 - Sanarfinermut Avatangiisinullu Ingerlatsivimmit pilersaarutip suliarinissaanut najoqqutassamiittut tamaasa minnerpaamik naapertuuttumik naammassisinnaaniassammagit, najoqqutassamik suliaqarpoq pilersaarut ilanngullugu nassiunneqartussamik. Najoqqutassaq ilanngussaq 3-mi takuuk.
2. Pilersaarut pillugu tamanut tusarniaanerup nalaani paasissutissiilluni ataatsimiisitsisoqarumaarpoq.
3. Tamatuma kingorna akerliliissutaasimasinnaasut suliarineqassapput, inaarutaasumillu pilersaarut Sanarfinermut Avatangiisinullu Ataatsimiititamut, Aningaasaqarnermut Ataatsimiititamut kiisalu Kommunalbestyrelsimut inaarutaasumik akuerineqarnissaanut ingerlateqqinneqassaaq.
4. Kingornalu soqutiginnittumut nunaminertamut akuersissut ukiuni marlunni atuuttussaq tunniunneqassaaq, soqutiginnittorlu nammineq immikkoortumut sukumiisumik aalajangersagartallimmik kommunimut pilersaarummut tapiliussassatut siunnersuusiussaaq.
5. Kommunimut pilersaarummut tapiliussap suliarineqarnera naammasseriarpas, sanaartorneq illulionerlu aallartisarneqarsinnaanngussapput.

Aningaasaqarnermut Allatseqarfimmit oqaaseqaatit

Aalajangersimasunik nioqquteqartartunut suliffeqarfinnut Nuummilu innuttaasunut

iluaqutaasussamik sanaartortoqarnissaanut qulaaniittoq naapertorlugu periarfissaqalernera

Aningaasaqarnermut Allatseqarfimmit pitsaasutut isigineqarpoq.

Innuttaasunik peqataatitsineq/ attaveqatigiinneq

Pilersaarut akuerineqarpat tusarniaassutigineqarlunilu, Sanarfinermut Avatangiisinullu Ingerlatsivik

tamanut paasititsiniaalluni ataatsimiisitsissaaq, tassanilu pilersaarusiortut innuttaasunut

soqutiginnittunut pilersaarummik saqqummiussinissaminnut periarfissinneqassapput.

Ingerlatsivinnit allanit oqaaseqaatit

-

Ilanngussaq

1. Ilanngussat ilanngullugit pilersaarummut qinnuteqaat
2. Inatsisartut inatsisaat nr. 34, 9. decembari 2015-imeersoq

3. Misissugassatut allattorsimaffik Sanarfinermut Avatangiisinullu Ingerlatsivimmit suliarineqartoq.
4. Illoqarfimmi illoqannginnersat

Punkt 6: Taasariaqartut allat

<p>Soqanngilaq.</p>

Punkt 7: Suliat matoqqasut

<p>Soqanngilaq.</p>

Punkt 8: Imaqarniliap akuerineqarnera